

四庫全書

集部

欽定四庫全書

坡門酬唱集卷十

宋 邵浩 編

東坡

次韻劉貢父西省種竹

要知西掖承平事記取劉郎種竹初舊德終呼名字外

後生誰續笑談餘

昔李公擇種竹館中戲語同舍後人指此竹笋云李文正手植貢父笑曰

文正不獨繁筆亦知種竹即時有筆工李文正成陰障日行當見取筍供庖計

已疎白首林間望天上平安時報故人書

樂城次韻

竹迷誰定知迷否趁取滂沱好雨初裁向鳳池吹律處
斲從芸閣殺青餘迎風一嘯朝回早美月相差直宿疎
應怪籍咸林外客相看不飲作除書仲馮方作左史必與貢父並直於此

次韻劉貢父獨直省中

明牕畏日暁先暎高柳鳴蜩午更喧筆老新詩疑有物
心空客疾本無根隔牆我亦眠風榻上馬君先瑣月軒

共喜早歸三伏近解衣盤礴亦君恩

樂城次韻

簾深巧為隔朝暎竹密時能引雀喧朝罷宿醒還續夢
靜中諸妾稍歸根坐曹聞道仍分省出沐誰當與並軒
竹簾茅簷他日事重因遺詠記君恩

次韻劉貢父所和韓康公憶持國二首

夢覺真同鹿覆蕉相君脫屣自參寥顏紅底事髮先白
室邇何妨人自遙狂似次公應未怪醉推東閣不須招

援毫欲作衣冠表盛事終當繼八蕭

唐蕭氏自瑀及邁八宰相

閉戶端居念獨深小軒朱檻憶同臨燎鬚誰識英公意

英公為其姊作粥燎鬚曰吾與姊皆老矣能幾進粥

黃髮聊知子建心

子建與楚王彪別詩

云王其愛玉體俱享黃髮期已託西風傳絕唱且邀明月伴孤斟他時內集應呼我下客先判

平聲醉墮簪

欒城次韻

霜風瑟瑟卷梧蕉燕處超然夜寂寥羽客信來丹鼎具
石淙夢斷水聲遙赤松作伴誰當見黃鸝高飛未易招

劍履終身定何益勤勞付與沛中蕭

愛君憂世老彌深特操要須得失臨晚歲飛騰推有德
故鄉安穩信無心小邦近似西山隱元氣終當北斗斟
聖主方求三世舊老臣何止一遺簪

次韻劉貢父叔姪扈駕

玉堂孤坐不勝清長羨枚鄒接長卿只許隔牆聞置酒
時因議事得暇名機雲似我多遺俗廣受如君不治生
共託屬車塵土後釣天一餉夢中榮

欒城次韻

一經空記弟傳兄
舊德終慙比長卿
扈駕勝翩來接武
登科先後憶題名
竹林共集連諸子
棣萼相輝賴友生
他日都門俱引去
不應廣受獨華榮

書晁補之所藏與可畫竹三首

與可畫竹時見竹
不見人豈獨不見人
嗒然遺其身其身
與竹化無窮出清新
莊周世無有誰知此凝神
若人今已無此竹
寧復有那將春蚓筆
畫作風中柳君

看斷崖上瘦節蛟蛇走何時此霜竿復入江湖手

晁子拙生事舉家聞食粥朝來又絕倒諛墓得霜竹可憐先生樂朝日照苜蓿吾詩固云爾可使食無肉

吾舊詩云

可使食無肉不
可使居無竹

魯直次韻二首

十年供籠餅一水試茗粥忽憶故人來壁間風動竹舍前
檠戎葵舍後荒苜蓿此郎如竹瘦十飯九不肉
地下文夫子風流絕此人能和晚煙色幻出歲寒身馬

亂松成拱鶩溪墨尚新應懷斲泥手去作主林神

郭熙秋山平遠二首

目盡孤鴻落照邊遙知風雨不同川此間有句無人見

送與襄陽孟浩然

木落騷人已怨秋不堪平遠發詩愁要看萬壑爭流處
他日終煩顧虎頭

樂城次韻

亂山無盡水無邊田舍漁家共一川行遍江南識天巧

臨牕開卷兩茫然

斷雲斜日不勝秋付與騷人滿目愁父老如今亦才思

一蓑風雨釣槎頭

昨見韓丞相言王定國今日玉堂獨坐有懷其人
晝卧玉堂上微風舉輕紈銅鉤下碧井百尺鳴飛瀾俯
仰清夢餘愛此一掬寒似予平生友苦語涼肺肝秀眉
玉兩頰矯矯如翔鸞置之江淮交清詩洗江湍紅鱗對
白酒信美非所安丞相功業成還家酒盃寬人間有此

客折簡呼不難相將叩東閣起舞盡餘歡

魯直次韻寄定國

風雲開古鏡淮海熨冰纨王孫醉短舞羅襪步微闌老
驥心雖在白鷗盟已寒斯人氣金玉視世一鼠肝南歸
脫蟲蠱入對隨孔鸞勿以口語去鼓船下驚湍收身薄
氷釋置枕泰山安后土花藥麗海門天水寬伐木思我
友知人良獨難遙憐鬚鬢綠猶復耐悲歡

余與李虧方叔相知久矣領貢舉事而李不得第

愧甚作詩送之

鷹陽程人少以文字見于瞻子瞻喜之及知舉鷹適就試意在

必得鷹以冠多士及考章程文大喜以為鷹無疑蓬以為魁及折號悵然出院以詩送鷹

與君相從非一日筆勢翩翩疑可識平時謾說古戰場
過眼終迷目五色我慙不出君大笑行止皆天子何責
青袍白紵五千人知子無怨亦無德買羊沽酒謝玉川
為我醉倒春風前歸家但草凌雲賦我相夫子非臞仙

魯直次韻

驥子墮地追風日未試千里誰能識習之實錄墓皇祖

斯文如女有正色今年持橐佐春官遂失此人難塞責
雖然一閔有奇偶博懸於投不在德君看巨浸朝百川
此豈有意橫潦前願為霧豹懷文隱莫愛風蟬蛻骨仙

方叔次韻

并叙

某頃元祐三年春禮部不第蒙東坡先生送之
以詩黃魯直諸公皆有和詩今年秋復下第將
歸耕潁川輒次前韻上呈編史內翰先生及乞
諸公一篇以榮林泉不勝幸甚

平生虛老太平日一日不知人不識鬢毛斑斑黑無幾
漸與布衣為一色平時功名衆所料數奇辜負師友責
世為長物窮且忍靜看諸公樹勳德欲持牛衣歸頽川
結廬抱耒箕願前祇將殘齡學農圃試問瀛洲紫府仙

和宋肇遊西池

漢皇慈儉不開邊尚教千艘下瀨船貪看艨艟飛鬪艦
不知艷屬舞鈞天故山西望三千里往事回思二十年
自笑區區足官府不如公子散神仙

魯直次韻

金城繫馬曉鶯邊不比春江水上船人語車聲喧法曲
花光樓影倒晴天人間化鶴三千歲海上看羊十九年
還作遨頭驚俗眼風流文物屬蘇仙

慶源宣義王丈以累舉得官為洪雅主簿雅州戶
掾遇吏民如家人人安樂之既謝事居眉之青
神瑞草橋放懷自得有書來求紅帶既以遺之
且作詩為戲請黃魯直學士秦少游賢良各為

賦一首為老人光華

青衫半作霜葉枯遇民如兒吏如奴吏民莫作官長看
我是識字耕田夫妻啼兒號刺史怒時有野人來挽須
拂衣自注下下考芋魁飯豈吾豈無歸來瑞草橋邊路
獨遊還佩平生壺慈姥巖前自喚渡青衣江畔人爭扶
今年蠶市數州集中有遺民懷袴襦邑中之黔相指示
白鬚紅帶老不癯我欲西歸卜隣舍隔牆拊掌容歌呼
不學山王乘駟馬回頭空指黃公壚

魯直次韻

參軍但有四立壁初無臨江千木奴白頭不是折腰具
桐帽棕鞋稱老夫滄江鷗鷺野心性陰壑虎豹雄牙須
鷓鴣作裘初服在猩血染帶隣翁無昨來杜鵑勸歸去
更得把酒聽提壺當今人才不乏使天上二老須人扶
兒無飽飯尚勤書婦無複禪且著襦社甕可漉溪可漁
更問黃鸝肥與癯林間醉著人伐木猶夢官下聞追呼
萬釘圍腰莫愛渠富貴安能潤黃廬

少游次韻

君不見相如容貌窮不枯卓氏恥之分百奴一朝奉命
使節祚駟馬赤車從萬夫仲元君平更高妙寄食耕卜
霜眉鬚兩川人物古不乏數子風流今可無參軍少年
飽經術期作侍中司御壺老披青山更矍鑠上馬不用
兒孫扶一朝忽解印綬去恥將詩禮攘裙襦懸知百年
事已定却笑列仙形甚癯東阡北陌西風入瑞草橋邊
人呴呴想見紅圍照白髮頽然醉卧文君塢

送錢穆父出守越州二首

錢穆父名勰以龍圖閣待制權知開封府坐奏

獄空不實出知越州時元祐三年九月也

簿書常苦百憂集樽酒今應一笑開京兆從教思廣漢會稽聊喜得方回

若耶溪水雲門寺賀監荷花空自開我恨今猶在泥滓勸君莫棹酒船回

魯直次韻

渺然今日望人材每見紫芝眉宇開又觸惠文江海去

快帆誰與挽令回

謫官猶得住蓬萊抱牘人希書卷開張
敝嫵眉應急召董宣強項莫低徊

戲書李伯時畫御馬好頭赤

山西戰馬飢無肉夜嚼長稽如嚼竹蹄間三丈是徐行
不信天山有坑谷豈如厩馬好頭赤立仗歸來卧斜日
莫教優孟卜葬地厚衣薪槱入銅歷

欒城次韻

公邊壯士生食肉小來騎馬不騎竹翩然赤手挑青絲
捷下巔崖試深谷牽入故關榆葉赤未憒中原暖風日
黃金絡頭依圉人俯聽北風懷所歷

魯直次韻

李侯畫骨不畫肉筆下馬生如破竹秦駒雖入天仗圖
猶恐真龍在空谷精神權奇汗溝赤有頭赤烏能逐日
安得身為漢都護三十六城看歷歷

文潛次韻

世無將軍飛食肉宛馬不來鞭費竹赤駕當御亦偶然
冀北此曹量計谷慙愧蒲梢汗流赤翻鬚胡風嘶漢日
麒麟不合地上行誰道風雲未經歷

无咎次韻

君不見崑崙龍種非凡肉不但蹄高耳批竹區區吳蜀
有二駿跳過斷橋飛出谷萬蹄縱牧原野赤汧隴收駒
日復日未須天廄驚好頭冀北未空聊一歷

次韻王郎子立風雨有感

王子立名適趙郡臨城人東坡守徐子立為州

學生喜怒不
見得喪若一

百年一俯仰寒暑相主客稍增裘褐氣已覺團扇厄不
須計榮辱此喪彼有獲我琴終不敗無攫故無醉後生
不自收呻吟空挾策揠苗不待長買菜苦求益此郎獨
靜退門外無行迹但恐陶淵明每為飢所迫淒風美衣
結小雪穿門席願君付一笑造物亦戲劇朝來賦雲夢
筆落風雨疾為君裁春衫高會開桂籍

魯直次韻

婦翁不可過王郎非嬌客十年為從學苦淡共哩厄燕
雀嗤鴻漸犬羊睨麟獲遇逢涇渭分昨夢春冰釋平生
五車書才吐二三策已作謗薰天金朱果何益君窮一
牕下風雨更削迹詩工知學進詞苦見意迫俗情傲秦
贅婦舍不暖席南治從東家不聞被嘲劇師儒並世難
日月過箭疾公今未有田把筆耕六籍

方叔次韻二首

清商變秋聲衆葉如寄客榮心知有在奈此歲寒厄異

時青青容卒歲安所獲伊余各潦倒短褐破未釋干祿
已愧古徇世真短策種種頭上髮玄縞相損益矧余久
離羣君堂無余迹老感歲月邁窮覺天地迫蟋蟀居我
牀呻怨穿枕席嗟嗟索居意與爾俱此劇窮秋復寒早
霰雪何太疾起觀庭前葉階除已狼藉

東西南北人生作天地客上下既無交司命巧為厄人
間不如意十事九不獲榮心死灰然生意春冰釋疲駕
強傾闕步永固鞭策長年計將智尺損或寸益青雲久

絕皇下邑聊托迹歲月不我容老景巧相迫君依鄭賢
侯館粲綺衣席吾知亞夫軍得子如得劇嗟余寓西河
醫門定多疾富貴如相忘脫我耕夫籍

方叔用韻送崔延孫入關兼寄杜闢

塵埃長安道風流頴川客登臨愜所願豈倦惄與厄山
川各呈姿遇景心喜獲念子幽情懷俯仰千慮釋平生
四方志玩世得長策山川無世韻宜為子三益嗟余老
於行四海多轍迹誤興功名想自取憂患迫窮愁入心

替魂夢驚枕席羨君千里駕乘興如戲劇老夫無能為
况乃嬰百疾寄聲杜陵翁安穩醉經籍



坡門酬唱集卷十

欽定四庫全書

集部

坡門酬唱集卷十一至十三

詳校官中書臣張經田

助教臣常循覆勘

總校官庶吉士臣朱鉉

校對官編修臣盧燧

謄錄舉人臣郭文懿

欽定四庫全書

坡門酬唱集卷十一

宋 邵浩 編

東坡

次韻聖俞木山

并序

吾先君子嘗蓄木山三峯且為之記與詩詩人梅二
丈聖俞見而賦之今三十年矣而猶子千乘又得五
峯益奇因次聖俞韻使并刻之其側

木生不願回萬牛願終天年仆沙洲時來幸逢河伯秋掀
然見怪推不流蓬婆雪嶺巧彫鏤蟄蟲行蟻為豪酋
阿咸大膽忽持去河伯好事不汝尤城中古沼浸坤軸
一林瘦竹吾菟裘二頃良田不難買三年榦木行可標
會將白髮對蒼巘魯人不厭東家丘

聖俞詩空山枯楠大
蝦牛瘠震夜落魚危

洲魚龜水射幾千秋靈肌爛髓沙蕩流惟存堅骨蛟龍鰐
形侔三山中雄首左右兩峯相扶翼尊奉君長無慢尤蘇
夫子見之驚且喜買與谿叟憑貂裘因嗟大不為梁棟又
嘆殘不為薪槱雨侵蘚澁得石瘦宜與夫子歸隱丘

樂城次韻

江槎出沒浮犀牛波濤掀天谷為洲江寒水落驚霜秋
危根瘦節鳴寒流脆朽吹去誰鐫鏗連峯疊嶂立首首
吾家此山不易得十年棄置空自尤猿號鶴唳豈無意
委蛇怪我懷羔裘西歸父老拍手笑笑憶翁子躬薪槱
去時三山今有五不問故園惟一丘

送千乘千能兩姪還鄉

治生不求富讀書不求官譬如飲不醉陶然有餘歡君
看龐德公白首終泥蟠豈無子孫念顧獨遺以安鹿門

上冢回牀下拜龍鸞躬耕竟不起耆舊節獨完念汝少
多難冰雪落綺紈五子如一人奉養真色難烹鷄獨餽
母自享苜蓿藥口腹恐累人寧我食無肝西來四千里
敝袍不言寒秀眉似我兄亦復心閒寬忽然捨我去歲
晚留餘酸我豈軒冕人青雲意先闌汝歸時松菊環以
青琅玕榦陰三年成可以挂吾冠清江入城郭小圃生
微瀾相從結茆舍曝背談金鑾

欒城次韻

少年食糠穀吐去願一官躬耕遇斂獲不知以為歡謂
言一飛翔要勝終屈蟠朝廷未遑入江海失所安多憂
變華髮照影慚雙鸞恩從萬里歸獨喜大節完日食太
倉米篋中有餘紈奇窮不當爾自信處此難長女聞孀
居將食淚滴槃老妻飽憂患悲吒摧心肝西飛問黃鵠
誰當救飢寒二子憐我老輩致心一寬別久得會合喜
極成辛酸忽聞倚門望有書驚歲闊深情見緩急欲報
非琅玕勸爾勤孝友慎母慕衣冠淵渟自成井放鴻當

生瀾豈有白雪駒舉足無和鑾

卧病逾月請郡不許復直玉堂十一月一日鎖院

是日苦寒詔賜官燭法酒書呈同院

微霰疏疎點玉堂詞頭夜下攬衣忙分光御燭星辰爛
拜賜宮壺雨露香醉眼有花書字大老人無睡漏聲長
何時却逐桑榆暖社酒寒燈樂未央

復次韻謝景仁

笙磬分均上下堂

舊說堂上之樂皆受笙均堂下之樂皆受磬均游魚舞獸自

奔忙朱絃初識孤桐韻

舊樂金石聲高而絲聲微今樂金石與絲聲皆著

王琯

猶聞秬黍香

舊法以尺生律今以黍定律以律生尺

萬事今方咨伯始一

斑我亦愧真長此生會見三雍就無復寥寥歎未央

樂城次韻

銅鑼玉鎖閉空堂腕脫初驚筆札忙紅燭遙憐風雪暗
黃封微鴻桂椒香光明坐覺幽陰破溫暖深知覆育長
明日白麻傳好語曼聲微繞殿中央

送子由使契丹

雲海相望寄此身那因遠適更沾巾不辭驛騎凌風雪
要使天驕識鳳麟沙漠回看清禁月湖山應夢武陵春
單于若問君家世莫道中朝第一人

欒城次韻

朔雪胡沙試此身青羅便面紫狐巾擁爐代北隨飛雁
頓足江東有卧麟欺酒壺冰將送臘照溪梅萼定先春
漢家五餌今方驗更愧當年歎息人

感舊詩

并引

嘉祐中余與子由同舉制策寓居懷遠驛時年二十六
而子由二十三耳一日秋風起雨作中夜翛然始有感
慨離合之意自爾宦遊四方不相見者十常七八每夏
秋之交風雨作木落草衰輒淒然有此感蓋三十年矣
元豐中謫居黃岡而子由亦貶筠州嘗作詩以記其事
元祐六年予自杭州召還寓居子由東府數月復出
領汝陰時予年五十六矣乃作詩留別子由而去

牀頭枕馳道雙闕夜未央車轂鳴枕中客夢安得長新

秋入梧葉風雨驚洞房獨行殘月影悵焉感初涼筮仕

記懷遠謫居念黃岡一住三十年此懷未始忘叩門呼

阿同

子由一
字同叔

安寢已太康青山映華髮歸計三月糧我

欲自汝陰徑上漳江章想見冰槃中石蜜與柿霜

予欲請東

川而歸二物皆東川所出憐子遇明主憂患已再嘗報國何時畢我

心久已降

欒城次韻

還朝正三伏一再趨未央久從江海游苦此劍佩長夢

中驚和璞起坐憐老房

子瞻夢中見人誦詩云度數刑
名自偶然破琴今有十二絃此

生若遇邢和璞始信秦箏是
響泉因作破琴詩以記之
子瞻每欲為國守邊顧不
敢請耳為我添丞轄真身願并涼

念老來未嘗忘淵明不久仕黔婁足為康家有二頃田
歲辦十口糧教敕諸子弟編排舊文章辛勤養松竹遲
暮多風霜嘗恐先著鞭獨引社酒嘗火急報君恩會合
心則降

西湖秋涸東池魚窟甚因會客呼網師遷之西池

為一笑之樂夜歸被酒不能寐戲作放魚一首

東池浮萍半粘塊裂碧跳青出魚背西池秋水尚涵空
舞濶搖深吹荇帶吾僚有意為遷居老守縱饑那忍鱠
縱橫爭看銀刀出瀟瀟初驚玉花碎但愁數罟損鱗鬚
未信長堤隔濤瀨瀛瀛發發湏臾間圉圉洋洋尋丈外
安知中無蛟龍種尚恐或有風雲會明年春水漲西湖
好去相忘渺淮海

復次放魚前韻答趙承議陳教授

趙景明
陳復常

擾擾萬生同一塊，搶榆不羨培風背。
清丘已吞雲夢芥，黃河復繚天門帶。
嘗譏韓子隘且陋，一飽鯨魚何足鱠。
東坡也是可憐人，披抉泥沙收細碎。
逝將歸修八節灘，又欲往釣七里瀨。
正似此魚逃網中，未與造物遊。
數外且將新句調，二子湖上秋高風月會。
為君更喚木腸兒，腳叩兩舷歌小海。

無已次韻三首

窮秋積雨不破塊，霜落西湖露沙背。
大魚泥蟠小魚樂，

高邱覆杯水如帶魚窮不作搖尾憐公寧忍口不忍鱠
修鱗失水玉參差晚日搖光金破碎咫尺波濤有生死
安知平陸無灘瀨此身寧供刀几用著意更須風雨外
是間相忘不為小濠上之意誰得會枯魚雖泣悔可及
莫待西江與東海

赤手取魚如拾塊布網鳴舷攻腹背豈知激濁與清流
恐懼駢頭牽翠帶居士存心到魚鳥會有微生化餘鱠
寧容網目漏吞舟誰能烹鮮作奇碎我亦江湖釣竿手

誤逐輕車從下瀨生當得意落鷗邊何用封侯墮鳶外
不如此魚今得所置身暗與神明會徑須作記戒鯨鯢
防有任公釣東海

詩成筆落驥歷塊不用安西題紙背小家厚斂四壁立
拆東補西裳作帶堂下轂觫牛何罪太山之陽人作鱠
同生異趣有如此餅懸甕間終一碎流水長者今公是
雨花散亂投金瀨人言充庖須此輩慈觀更須容度外
賜牆及肩人得視公才槃槃一都會有憐其窮與不朽

我亦牽連書玉海

九月十五日觀月聽琴西湖一首示坐客

白露下衆草碧空卷微雲孤光為誰來似為我與君水天浮四座河漢落酒樽使我冰雪腸不受麴糵釀尚恨琴有絃出魚亂湖紋哀彈非舊曲妙耳非昔聞良時失俯仰此見寧朝晷懸知一生中道眼無由渾

復次前韻謝趙景貺陳履常見和兼簡歐陽叔弼

兄弟

能詩李長吉識字揚子雲端能望此府坐嘯獲兩君逝
將江湖去浮我五石樽眷焉復少留尚為世所醺或勸
莫作詩兒輩工織紋朱絃寄三歎未害俗耳聞其尋兩
歐陽伐薪照黃昏是家有甘井汲多終不渾

無已次韻三首

清湖納明月遠覽無留雲人生亦何須有酒與桐君自
醉寧問客一樽復一樽平生今不飲意得同酣醺清言
冰玉質壞衲山水紋殫精有後悟觸耳無前聞潛魚避

流光歸鳥投重昏信有千丈清不如一尺渾

公詩周魯後曳曳垂天雲府中顧長康風味如麴君非
公無此客請壽南山樽叔季大儒後偏醒亦同醺心與
柏石堅章成綺繡紋多難獨不補少頽久無聞時無今
古異智有功名曷可使百尺底不作數斗渾

公詩端王道亭亭如紫雲舉世不敢學謂是詩中君獨
有黃太史抱杓挹其樽韻出百家上誦之心已醸黃鐘
毀少合大裘擣不紋世事如病耳蟻鬪作牛聞苦懷太

史惠養豹煙雨昏後世無高學舉俗愛許渾

泛頴

我性喜臨水得頴意甚奇到官十日來九日河之渭吏
民笑相語使君老而癡使君實不癡流水有令姿遼郡
十餘里不駛亦不遲上流直而清下流曲而漪畫船俯
明鏡笑問汝為誰忽然生鱗甲亂我須與眉散為百東
坡頃刻復在茲此豈水薄相與我相娛嬉聲色與臭味
顛倒眩小兒等是兒戲物水中少磷淄趙陳兩歐陽同

參天人師觀妙各有得共賦泛頴詩

無已次韻

衝風不成寒脫木還自奇坐看白日晚起行清頴渭三
穴未為得一舟不作癡路暗鳥遺音江清魚美姿宇定
怪物變意行覺舟遲公與兩公子妙語含風漪但怪笑
談劇莫知賓主誰得句未肯吐鬱鬱見睂眉相從能幾
何行樂當及茲生忍自作難百憂間一嬉時尋赤眼老
不探黃口兒解公頭上巾一洗七年緇至潔而納汙此

水真我師須公曉二子人自窮非詩

叔弼云履常不飲故不作詩勸履常飲

我本畏酒人臨觴未常訴平生坐詩窮得句忍不吐吐
酒茹好詩肝胃生渾汙用此較得喪天豈不足付吾儕
非二物歲月誰與度悄然得長愁為計已大誤二歐非
無詩恨子不飲故強為酬一酌將非作愁具成言如皎
日援筆當自賦他年五君詠山王一時數

無已次韻

五士三不同煩公以詩訴強酒古所辭妙語神其吐自
念每累人舉扇母我汙復使兩歐陽縮手不分付平生
西方社努力須自度不憂龜九頭肯畏語一誤頓悟而
漸修從此辭世故公看萬金產寧能一朝具兩生文章
家夙記鳴蟬賦請公堅城壘兵來後無數

景貺履常屢有詩督叔弼季默唱和已許諾矣復
以此句挑之

君家文律冠西京旋葉詩壇按酒兵袖手莫輕真將種

致師須得老門生明朝鄭伯降誰受昨夜條侯壁已驚
從此醉翁天下樂還應一舉百觴傾

無已次韻

吟聲正可候蟲鳴酒面猶須作老兵豈有文章妨要務
孰知詩律自前生向來懷璧真成臯未必含光不屢驚
血指汗顏終縮手此懷端復向誰傾

與趙陳同過歐陽叔弼新治小齋戲作一首

江湖渺故國風雨傾舊廬東來三十年愧此一束書尺

緣亦何有而我常客居羨君開此室容膝真有餘拊牀
琴動搖美筆臆明虛後夜龍作雨天明雪填渠夢回聞
剥啄誰乎陳趙予添丁走沽酒通德起挽蔬主孟當鳴
我玉鱗金尾魚一醉忘其家此身自蘧篠

無已次韻

行者悲故里居者愛吾廬生須著錐地何賴汗牛書丈
室八尺牀稱子閉門居百為會有還一足不願餘紛紛
幼老間得失了懸虛客在醉則眠聽我勿問渠論勝已

絕倒句妙方愁予竹几無留塵霜畦有餘蔬相從十五年不為食有魚時須一俯仰君可借蓬蓽

洞庭春色

并序

安定郡王名世準字君平時以

保靜軍留後為安定郡王趙德麟舊字

景脫先生著字說為字德麟
德麟字見於詩者自此篇始

安定郡王以黃柑釀酒謂之洞庭春色色香味三絕以餉其猶子德麟德麟以飲予為作此詩醉後信筆頗有沓拖風氣

二年洞庭秋香霧長噀手今年洞庭春玉色疑非酒賢

王文字飲醉筆龍蛇走既醉念君醒遠餉為我毒餅開
香浮座盞凸光照牖方傾安仁醞莫近公遠覩要當立
名字未用問升斗應呼釣詩鈎亦號掃愁帚君知蒲萄
惡正是嫫母黜湏君灑海杯澆我談天口

無已次韻

洞庭千木奴寸絲不掛手來輸步兵厨釀作青田酒王
家玉東西未覺歲華走方從浮羅山浮羅山有仙人種柑處已作
南陽壽還將甕頭春慰予雪入牖我方縛禪律一舉煩

屢喫東坡酒中仙醉墨粲星斗詩成以屬我千金須敝
帛何曾樽俎間著客面黧黓定須笑美人

趙有覽者平原君美人笑

之薰甲不濡口

坡門酬唱集卷十一

欽定四庫全書

坡門酬唱集卷十二

宋邵浩編

東坡

十月十四日以病在告獨酌

翠柏不知秋空庭失搖落幽人得嘉蔭露坐方獨酌月華稍澄穆霧氣尤清薄小兒亦何知相語翁正樂銅鑪燒柏子石鼎煮山藥一杯賞月露萬象紛酬酢此生獨

何幸風纜欣初泊誓逃顏跖網行赴喬松約莫嫌風有
待謾欲戲寥廓冷然心境空彷彿來笙鶴

無已次韻

雲月酒下明風露衣上落是中有何好草草成獨酌使
君顧謂客老子興不薄飲以全吾真醉則忘所樂未解
飲中趣中之如狂藥起舞屢跳踉罵坐失酌酢終然厭
多事超繁超淡泊功名無前期山林有成約身將歲華
晚意與天宇廓醒醉各有適短長聽鳬鶴

獨酌試藥玉滑蓋有懷諸君子明日望夜月庭佳
景不可失作詩招之

鎔鉛煮白石作玉真自欺琢削為酒杯規模定州甃荷
心雖淺狹鏡面良渺瀰持此壽嘉客到手不容辭曹侯
天下平定國豈其師一飲至數石溫克頗似之風流越
王孫詩酒屢出奇喜我有此客玉杯不徒施請君詰歐
陳問疾來何遲呼兒掃月榭扶病及良時

無已次韻

仙人棄餘糧玉色已可欺小試換骨方價重千冰甕灌
以長白虹渺若江海瀰浮之端不惡舉者亦何辭但愧
聞道晚早從雁門師律部無明文可復時中之汝陽佳
少年三斗出六奇家有持盃手兩好當一施風吹酒面
仄月度杯心遲百年容有命一笑更須時

竹間亭小酌懷歐陽叔弼季默呈趙景貺陳履常
歲暮自急景我閒方緩觴醉飲西湖晚步轉北渚長地
坐畧少長意行無澗岡久知薺麥青稍喜榆柳黃盎盎

春欲動。漱漱夜未央。水天鷗鷺靜。月霧松檜香。撫景方
日晚。懷人重淒涼。豈無一老兵。坐念兩歐陽。我意正糜
鹿。君才亦珪璋。此會恐難久。此歡不可忘。

無已次韻

自昔有遺韻。小飲不盡觴。坐待竹間月。奈此雲影長。起
行林下路。散策踰平岡。破眼一枝春。着意千葉黃。暄寒
會有分。蜂蝶來無央。鳥語帶餘寒。竹風回妙香。緬想兩
公子。作惡變清涼。誰憐塵沙底。瘦馬踏朝陽。斯人班馬

後如圭復如璋相逢了無得佳處每難忘

臂痛謁告作三絕句示四君子

公退清閒如致仕酒餘歡適似還鄉不妨更有安心病
卧看紫簾一炷香

心有何求遣病安年來古井不生瀾紙愁戲瓦閒童子
却作泠泠一水看

小閣低牕卧晏溫了然非默亦非言維摩示病吾真病
誰識東坡不二門

無已次韻

靜中有業官成集醉裏無何老是鄉丈室向來無一物
却須天女與拈香

竭澤回波不作難未應平地起風瀾是身非有從何病
試下先生一著看

紙帳薰爐作小春青奴白牯對忘言更無人問維摩詰
始是東坡不二門

蠟梅一首贈趙景脫

天工點酥作梅花此有蠟梅禪老家蜜蜂採花作黃蠟
取蠟為花亦其物天工變化誰得知我亦兒嬉作小詩
君不見萬松嶺上黃千葉玉蘂檀心兩奇絕醉中不覺
渡千山夜聞梅香失醉眠歸來却夢尋花去夢裏花仙
覓奇句此間風物屬詩人我老不飲當付君君行適吳
我適越笑指西湖作衣鉢

無已次韻

化人巧作網樣花何年落子空王家羽衣寬袖浣香蠟

從此人間識尤物青瑣諸郎却未知天公下取仙翁詩
烏丸鷄距寫玉葉却怪寒花未清絕北風驅雪度關山
把燭看花夜不眠明朝詩成公亦去長使詩仙誦佳句
湖山信美更須人已覺西湖屬此君坐想明年吳與越
行酒賦詩聽擊鉢

書王晉卿畫四首

山陰陳述

當年不識此清真強把先生擬李倫等是人間一陳述

聚蚊金谷本何人

雪溪乘興

溪山雪月兩佳哉
賓主談鋒夜轉雷
猶言不見戴安道
為問適從何處來

四明狂客

毫端偶集一微塵
何處谿山非此身
狂客思歸便歸去
更求勅賜枉天真

西塞風雨

斜風細雨到來時我本無家何處歸仰看雲天真弱笠

旋收江海入蓑衣

樂城次韻

山陰陳迹

卧對鄱人氣已真晚依丘壑更無倫不湏復預清言侶

自是江東第一人

逸少知清言之害然蘭亭記亦不免慕清名耳

雪溪乘興

亟往遄歸真曠哉聾人不信有驚雷雖云不必見安道

已誤扁舟犯雪來

四明狂客

失脚來遊九陌塵故溪何日定抽身便同賀老扁舟去
已笑西山鄭子真

西塞風雨

雨細風斜欲暝時凌波一葉去安歸遙知夜宿蛟人室
浪捲波分不著直畧切衣

到官病勦未嘗會客毛正仲惠茶乃以端午小集

石塔戲作一詩為謝

我生亦何須一飽萬想滅胡為設方丈養此膚寸舌邇
來又哀病過午食輒噎繆為淮海帥每愧厨傳闕饗無
欲清人奉使免內熱空煩赤泥印遠致紫玉玦為君伐
羔豚歌舞菰黍節禪牕麗午景蜀井出冰雪坐客皆可
人鼎器手自潔金釵候湯眼魚蟹亦應訣遂令色香味
一日備三絕報君不虛投知我非輕啜

无咎和韻

唐來木蘭寺遺迹今未滅僧鐘嘲飯後語出飢客舌今
公食方丈玉茗攄噫噎當年卧江湖不泣逐臣玦中和
似此茗受水不易節輕塵散羅麪亂乳發甌雪佳辰雜
蘭父共弔楚纍潔老謙三昧手心得非口訣誰知此間
妙我欲希超絕持誇淮北士湯餅供朝啜

召還至都門先寄子由

老身倦馬河堤永踏盡黃榆綠槐影荒鷄號月未三更
客夢還家時一頃歸老江湖無歲月未填溝壑猶朝請

黃門殿中奏事罷詔許來迎先出省已飛青蓋在河梁
定餉黃封兼賜茗遠來無物可相贈一味豐年說淮頴

欒城次韻

兄詩有味劇雋永和者僅同如畫影短篇泉冽不容挹
長韻風吹忽千頃經年淮海定成集走書道路未遑請
相思半夜發清唱醉墨平明照東省詩到適在省中南來應帶
蜀岡泉西信近得蒙山茗出郊一飯歡有餘去歲此時

初到頴

上元侍飲樓上三首呈同列

澹月疎星遶建章仙風吹下御鑪香侍臣鵠立通明殿
一朶紅雲捧玉皇

薄雪初消野未耕賣薪買酒看升平吾君勤儉倡優拙
自是豐年有笑聲

老病行穿萬馬羣九衢人散月紛紛歸來一盞殘燈在

猶有傳相遺細君

侍飲樓上則貴戚爭以黃柑遺近臣謂之傳柑蓋故事也

樂城次韻二首

敵去邊城少奏章
雪殘中禁罷焚香都人知有新年喜

爭看凋輿金鳳皇

春來有意乞歸耕足痺三年久未平

頃奉使契丹墮馬傷足已三年矣

忽記上元鑾輶出起聽前殿曉鐘聲

魯直次韻

赭黃繖底望龍章不斷惟聞寶炬香一片韶音歸複道

重瞳左右列英皇

端門魏闕鬱崢嶸燈火如山輦路平不待上林鶯百轉

教坊先已進春聲

仗下蕃夷各一羣
機泉如雨自纏紛
啼觀香案傍邊吏
却是茅山大小君

少游次韻

此三詩魯直少游集中皆有之未知誰之所作姑兩存之

赭皇繖底望龍章
不斷惟聞蠟炬香
一片韶音歸複道
重瞳左右列英皇

端門魏闕鬱嶧嶧
燈火如山輦路平
不待上林鶯百轉
教坊先已進春聲

仗下蕃夷各一羣機泉如雨自繢紛諦觀香案傍邊吏
却是茅山大小君

送黃師是赴兩浙憲

世久無此士我晚得王孫寧非叔度家豈出次公門白
首沉下吏綠衣有公言哀哉吳越人久為江湖吞官自
倒帑廩飽不及黎元近聞海上港漸出水底村願君五
袴手招此半菽魂一見刺史天稍忘獄吏尊會稽入吾
手鏡湖小於盆比我東來時無復瘡痍存

文潛次韻 少一韻

昔見君納婦今見君抱孫先公力種德子合大其門何
為亦如我有抱不得言峥嶸胸中氣默默自吐吞誰知
東坡老感激論元元欲將洛陽裹盡蓋江湖村既係海
若頸又鞭江胥魂意令仰天民不隔頂上益我獨乞禪
牀一氣中夜存

次韻滕大夫雪浪石

大行西來萬馬屯勢與岱嶽爭雄尊飛狐上黨天下脊

半掩落日先黃昏削成山東二百郡氣壓代北三家村
千峯石卷矗牙帳崩崖鑿斷開土門竭來城下作飛石
一礮驚落天驕魂承平百年烽燧冷此物僵卧枯榆根
畫師爭摹雪浪勢天工不見雷斧痕離堆四面繞江水
坐無蜀士誰與論老翁兒戲作飛雨把酒坐看珠跳盆
此身自幻孰非夢故國山水聊心存

樂城次韻

謫居杜老嘗東屯波濤遙屋知龍尊門前石岸立精鐵

朝汐洗盡莓苔野人相望夾水住扁舟時過江西村
牕中縞練舒眼界枕上雷霆驚耳門不堪水怪妄欺客
欲借楚些時招魂人生出處固難料流萍著水初無根
旌旗旋逐金鼓發蓑笠尚帶風雨痕高齋雪浪卷蒼石
北叟未見疑戲論激泉飛水行亦凍窮邊臘雪如翻盆
一杯徑醉萬事足江城氣味猶應存

少游次韻 少一韻

漢庭卿士如雲屯結綬彈冠朝至尊登高履危足在外

神色不變惟伯昏金華掉頭不肯住乞身欲老江南村
天恩許兼兩學士將兵百萬守北門居士彊名曰天元
寤寐山水勞心魂高齋引泉注奇石迅若飛浪來雲根
朔南修好八十載兵法雖妙何足論夜闌蕃漢人馬靜
想見雉堞低金盆報罷五更人吏散坐調一氣白元存

文潛次韻

中山士馬如雲屯號令惟覺將軍尊熊旗犀甲羅左右
金鉦鳴鼓誼朝昏少年畎畝老為將誰能復記躬耕村

東坡先生事業異道峻不得安脩門眼前富貴念不起
惟有山林勞夢魂棟中奇石安至此坐蒙湔洗見本根
奔流驟浪勢萬里至畫乃掃筆墨痕黃牛三峽固細事
赤壁長江何足論能令萬古蛟蜃怪么麼入此琉璃盆
扁舟獨往則不可平生致君言具存

无咎次韻

居庸滅烽惟留屯時平更覺將軍尊鈴齋看雪擁衲坐
急鼓又報邊城昏百壺高宴梨栗圃千里未盡桑麻村

天憐公老無以樂一星飛墮從天門得無遺履穀城化
恐是吃草金華魂不然荆棘霜露底兀然奇怪來無根
女媧擣鍊所遺棄奔濂尚有河漢痕豈其謀國坐不用
聊以永日寧復論跳梁不憂牧並塞綏納可使魚游盆
公歸廊廟誰得挽此石萬古當長存

子由生日以檀香觀音像及新合印香銀篆藥爲

壽

旃檀婆律海外芬西山老臍柏所薰香螺脫蠶來相羣

能結縹渺風中雲一燈如螢起微焚何時度盡繆篆紋
繚繞無窮合復分縣縣浮空散氤氳東坡持是壽郊君
君少與我師皇墳旁資老聃釋迦文共厄中年點蠅蚊
晚遇斯須何足云君方論道承華勛我亦旗鼓嚴中軍
國恩當報敢不勤但願不為世所醺邇來白髮不可耘
問君何時返鄉枌収拾散亡理放紛此心實與香俱烹
聞思大士應已聞

樂城次韻

日月中人照與芬心虛慮盡氣則薰彤霞點空來羣羣
精誠上徹天無雲寸田幽闕煙不焚眇眎中外絳錦紋
冥然物我無復分不出不入常氤氳道師東西指示君
乘此飛仙勿留墳茅山隱居有遺文世人心動隨苗蚊
不信成功如所云蚤夜賓餞同華勛爾來僅能破魔軍
我經生日當益勤公稟正氣飲不醺梨棗未寔是要鋤耘
日云暮矣汎桑粉西還閉門止紛紛憂愁真能散悽憀
萬事過耳今不聞登真隱訣云日中青帝曰
照龍船其夫人曰芬鑑嬰

坡門酬唱集卷十二